



蜀鑑卷第四

晉王濬自蜀平吳

晉武帝泰始十年吳大司馬陸抗卒



抗疾病上疏曰西陵建平國之蕃表既處上流受敵二境若敵汎舟順流星奔電邁非可恃援他部以救倒懸也此乃社稷安危之機非徒封疆侵凌小害也以父遜昔在西垂上言西陵國之西門雖云易守亦復易失若有不守非但失一郡荊州非吳有也如其有虞當傾國

爭之乞特詔簡閱使臣所部足滿八萬
省息衆務併力備禦臣死之後乞以西
方為屬。西陵今峽州建平今歸州
咸寧二年征南將軍羊祜上疏請代吳
祜鎮襄陽與陸抗對境嘗與抗連和會
抗卒祜上疏曰蜀平之時皆謂吳當并
亡十有三年矣蜀之為國非不險也皆
云一夫荷戟千人莫當及進兵之日曾
無藩籬之限乘勝席卷徑至成都漢中
諸城皆鳥栖而不敢出非無戰心誠力

不足相抗也及劉禪請降諸營堡索然
俱散今江淮之險不如劍閣孫皓之暴
過於劉禪吳人之困甚於巴蜀而大晉
兵力盛於往時今若引梁益之兵水陸
俱下荆楚之衆進臨江陵平南豫州直
指夏口徐楊青兗並會秣陵以一隅之
吳當天下之衆勢分形散所備皆急也
漢奇兵出其空虛一處傾壞則上下震
蕩雖有知者不能為吳謀矣咸寧四年
祜病求入朝面陳伐吳之計且曰平吳

杜預進攻江陵克之預等分兵以益濬攻武昌克之

王濬自武昌徑趣建業入於石頭吳主皓請降

王濬既至西陵杜預與之書曰足下既推其西藩便當徑取建業討累世之逋寇釋吳人於塗炭亦曠世一事也濬自武昌徑趣建業兵甲滿江旌旗燭天威勢甚盛吳潘濬入見吳主吳主問水軍消息對曰蜀舡皆小今得二萬兵乘大

舡以戰自足破之於是合衆授潘濬節鉞明日當發其衆悉潰王渾遣信要王濬暫過論事濬舉帆直指建業報曰風利不得泊也是日濬戎卒八萬方舟百里鼓譟入於石頭吳主皓面縛輿襯詣軍門降。建業建康府石頭城在建康論曰秦自蜀伐楚未大得志也王濬以益州之力破丹陽克西陵下荊州攻武昌片帆而直指建業遂平江東其功偉矣蜀係於上流之安危亦大彰明較著

之後當勞聖慮耳還鎮舉杜預為鎮南
將軍都督荊州諸軍事

咸寧五年益州刺史王濬上疏請伐吳
羊祜以王濬為益州太守濬大治舟艦
木梯蔽江而下乃上疏曰孫皓荒淫凶
逆宜速征伐臣作船七年日有朽敗願
無失事機

太康元年王濬唐彬會杜預王渾諸軍伐
吳

大舉伐吳王渾出江西杜預出江陵王

濬唐彬下巴蜀王濬唐彬擊破丹陽吳
人於江碇要害之處並以鐵鎖橫截之
又作鐵錐長丈餘暗置江中以逆拒舟
艦濬作天筏數十方百餘步縛草為人
被甲持仗今善水者以筏先行遇鐵錐
錐輒著筏而去又作火炬長十餘丈大
數十圍灌以麻油在舡前遇鎖然炬燒
之須臾融液斷絕於是舡無所礙。丹
陽城屬秭歸

王濬克西陵克荊門夷道二城

蜀鑑 卷四 三
杜預進攻江陵克之預等分兵以益濬攻武昌克之

王濬自武昌徑趣建業入於石頭吳主皓請降

王濬既至西陵杜預與之書曰足下既摧其西藩便當徑取建業討累世之逋寇釋吳人於塗炭亦曠世一事也濬自武昌徑趣建業兵甲滿江旌旗燭天威勢甚盛吳潘濬入見吳主吳主問水軍消息對曰蜀舡皆小今得二萬兵乘大

舡以戰自足破之於是合衆授潘濬節鉞明日當發其衆悉潰王渾遣信要王濬暫過論事濬舉帆直指建業報曰風利不得泊也是日濬戎卒八萬方舟百里鼓譟入於石頭吳主皓面縛輿襯詣軍門降○建業建康府石頭城在建康論曰秦自蜀伐楚未大得志也王濬以益州之力破丹陽克西陵下荊州攻武昌片帆而直指建業遂平江東其功偉矣蜀係於上流之安危亦大彰明較著

矣晉武之平吳用蜀之力如此而子孫之偏安於江東者乃棄蜀弗顧可勝責哉

李特入蜀

晉惠帝元康八年巴氏流人李特等自略陽入蜀

初張魯在漢中賓人李氏自巴西巖渠往依之魏武克漢中李氏歸之遷於略陽號曰巴氏其孫特庠流皆有材武關中荐飢略陽天水等六郡民流移就穀

入漢川者數萬家道路窮乏特兄弟振救之由是得衆心流民至漢中上書求寄食巴蜀詔書不聽勅關禁之戶曹李苾開關放入散在梁益不可禁正李特至劍閣太息曰劉禪有如此地面縛於人豈非庸才邪

永康九年李特入成都殺前益州刺史趙廞

趙廞陰有據蜀之志以李特兄弟材武厚遇之詔徵廞為大長秋以耿滕為益

州刺史廡逐殺滕自稱益州牧任用李
庠庠驍勇得衆廡心忌之會庠勸廡稱
號廡斬之李特李流怨廡引兵軍綿竹
廡遣費遠斷北道屯綿竹之石亭李特
收兵得七千餘人襲遠等軍破之遂進
攻成都廡走廣都為從者所殺

羅尚討李特

永寧元年詔羅尚為益州刺史

特等聞尚來甚懼以牛酒勞尚於綿竹
牙門將王敦廣漢太守辛冉勸尚誅特

尚不從

符下秦雍召還流民入蜀者以李特為宣
威將軍

朝廷符下秦雍使召還流民又遣御史
督之李特兄輔自略陽至蜀言中國方
亂不足復還特然之累遣天水閻式詣
羅尚求權停至秋朝廷論討趙廡功拜
特宣威將軍弟流奮威將軍皆封侯璽
書下益州條列流民與討廡者將加封
賞辛冉寢朝命不以實上衆咸怨之羅

尚督流民限七月上道時流民布在梁益為人傭力聞州郡逼遣人人愁怨不知所為特復遣闔式詣尚求停至冬辛冉李苾以為不可尚舉別駕杜弼秀才式為弼說逼移利害弼亦欲寬流民一年尚不從冉苾與尚謀欲殺流民取其資貨尚移書令梓潼太守張演於諸要施關搜索寶貨特數為流民請留流民皆相率歸特特又以計激怒之旬月之間歸特者二萬人流亦聚衆數千人特

又遣闔式詣尚告諸流民今聽寬矣式至綿竹勸特深宜為備特從之

廣漢太守辛冉捷為太守李苾襲李特營不克特攻冉於廣漢冉敗奔德陽特據廣漢遂攻羅尚於成都

尚頻為特所敗乃阻長營緣郫水作營連延七百里與特相拒

太安元年以張微為廣漢太守軍德陽特攻微取德陽以其將蹇碩守之李驤李流進攻成都

太安二年詔荊州刺史宗岱建平太守孫
阜師水軍三萬以救羅尚阜進逼德陽特
遣任臧拒之

羅尚遣兵討特斬之傳首洛陽

孫阜破德陽獲蹇碩任臧退屯涪陵

李流至成都羅尚閉城自守

李雄襲擊孫阜軍大破之宗岱卒於墊江

荊州軍遂退

雄特子德陽令遂寧府墊江今合州涪

陵今涪州荊州之軍自墊江上也

李雄入成都

太安二年李雄攻殺汶山太守陳圖遂取

郫城李流徙屯郫

汶山今茂州郫城今郫縣

李流卒李雄自稱益州牧治郫城

羅尚襲郫城不克退保太城

李驤攻犍為斷羅尚運道獲太守龔恢殺

之

犍為時治武陽今犍為縣輿地廣記云

即武陽縣地犍為郡由郡嘗治此而得

名也近世為江鄉志者乃謂治今彭山
非是

李雄攻羅尚尚由牛鞞水東下雄入成都
牛鞞今簡州陽安縣即中水也入江陽
都江

羅尚抗李雄

永興元年羅尚至江陽

尚遣使表狀詔尚權統巴東巴郡涪陵
以供軍賦尚遣別駕李興諸荊州劉弘
求糧弘綱紀以運道阻遠且荊州自空

之欲以零陵米五千斛與尚弘曰天下
一家彼此無異吾今給之則無西顧之
憂矣又遣治中何松屯巴東為尚後繼
○巴東今歸州
羅尚移屯巴郡遣兵擊蜀獲李驤妻咎氏
及子壽

巴郡治江州今夔州重慶府

永嘉元年尚施置關戍至漢安燹道

漢安今資州燹道今叙州戍漢安所以
防中水戍燹道所以防大江尚在江州

蜀鑑 卷四 而設戍於此則犍為南安以西皆為雄有也

秦州流民鄧定等據成固掠漢中李雄遣李離等助之遂陷南鄭離等引還盡徙漢中民於蜀漢中人句方白落帥吏民還守南鄭

永嘉二年雄遣將軍李鳳屯晉壽以寇漢中詔以張光為梁州刺史治新城

晉壽漢葭萌縣昭烈改為漢壽晉秦始中改為晉壽新城魏文帝分漢中立新

城郡治房陵

天水句鑄琦殺雄大尉以梓潼降尚驤及琦等戰敗死

永嘉四年荊州牧劉弘表譙登為梓潼內史登進攻巖渠殺雄巴西太守還據涪城登譙周孫居巴西雄巴西太守馬脫殺登父登詣劉弘請兵復讎弘表登為梓潼內史使募三巴蜀漢民為兵克復州郡登進攻巖渠殺馬脫食其肝會梓潼降登進據涪城雄自攻之為登所敗○

涪城今綿州

雄以李國鎮巴西天水文石殺國以巴西降尚

巴西郡
巴西治閬中晉志充國巖渠安漢皆屬

折衝將軍張羅進據犍為之合水

華陽國志云巴蜀為語曰譙登治涪城文石在巴西張羅守合水巴氏那得前。合水在今嘉定府龍遊縣青衣水出於廬山之徼外合於岷江故謂之合水

雄遣張寶襲梓潼旬琦等奔巴西

秋七月散騎常侍都督梁益二州夷陵侯羅尚薨

論曰李特父子乘晉室之亂跳梁於蜀土一羅尚庸人耳徒以晉室方伯之權猶能誅特而抗雄雄雖僭號於蜀漢中三巴之地固非其有也當是時中原政亂劉弘雖死而琅琊在建業陶侃在武昌蜀之衣冠南下荊州者十餘萬譙登等猶能崛起以自立使江左君臣有跨

有荆益之規模任陶侃以討賊之責驅蜀土之人士西歸以興復則雄豈遂為逋誅不討之寇哉惜乎茂弘士行為謀之不遠而遂委蜀於蠻夷也

李雄偽定蜀地

永嘉四年以皮素為益州刺史羅宇殺素於巴郡達平都尉暴重殺宇官屬表韓松為刺史治巴東

李雄遣李驤攻譙登於涪城羅尚之子宇惡登不給其糧皮素至巴郡欲治宇

罪羅宇使人夜殺之暴重還殺宇巴都亂官屬表監軍韓松為刺史

永嘉五年李驤拔涪城梓潼太守譙登死之遂拔巴西太守文石死之始定巴西梓潼地

驤攻登於涪城登食盡援絕驤攻之急士民皆熏鼠食之餓死甚眾無一人叛者正月拔之遂乘勝拔巴西殺艾石於是巴西梓潼為雄有雄大赦改元玉衡譙登至成都不屈雄殺之

蜀鑑 卷四 三
雄遣師攻棘道犍為太守魏紀棄城走江陽太守姚龍襲死之

棘道今叙州犍為治今叙州犍為縣資中牛鞞南安諸邑皆隸焉江陽今瀘州雄始定其地

氏隗文等作亂暴重討之重殺刺史韓松自領其事

隗文等反於宜都在峽州

巴東將吏殺暴重表巴郡太守張羅行三府事羅與隗文等戰死之表王異行刺史

隗文等驅略吏民以降于雄

華陽國志曰巴中無復餘種矣三府事謂平西將軍益州刺史西夷校尉

江陽太守張啓殺刺史王異而代之啓卒官屬表涪陵太守向沈代啓南保涪陵

愍帝建興元年向沈卒蜀郡太守程融等表汶山太守蘭維為西夷校尉維將吏民北出至巴東雄將李恭費黑等獲之

於是自巴郡以東皆為雄有矣

涪陵王運巴西王建寇漢中梁州太守張

光遣參軍晉邈擊殺之建子壻楊虎收餘
衆屯於厄水光遣子孟萇討之不克

厄水在南鄭縣東

武都氏王楊難敵遣兵救楊虎擊張孟萇
孟萇敗績死之光卒州人立胡子序領梁
州楊虎難敵攻序序棄城走

建興二年漢中民張咸等逐楊難敵以其
地降於雄遂定漢中

雄以李鳳為梁州刺史仕回為寧州刺史
李恭為荊州刺史

以鳳理漢中回謀南中恭控巴東也

蜀人杜弢等流徙荆湘

晉太安二年益州流民十餘萬戶徙荊州

李特之亂三蜀民流迸南入東下城邑

皆空野無烟火其入荊州者十餘萬戶

羈旅貧乏鎮南將軍劉弘大給其田及

種糧擢其賢才隨才授用流民稍安

永嘉五年蜀人李驤殺樂鄉縣令南平太

守應詹醴陵令杜弢擊破之

巴蜀流民布在荆湘間數為土民所侵

苦蜀人李驤聚衆據樂鄉應詹與杜弢擊破之弢字景文蜀郡成都人祖植有名蜀土才學著稱州舉秀才為成都別駕巴氏流民入蜀羅尚督追之弢勸尚寬流民一年尚不從弢致秀才板歸家李特反弢避地荆州應詹愛其才而禮之辟為醴陵令驤聚衆屯樂鄉弢擊破之

荆州太守王澄討驤驤請降澄許而龍表殺之以其妻子為賞沈八千餘人於江

益州流民起兵湘州奉杜弢為主南破零桂東掠武昌

李驤既不流民益怨恨杜疇蹇撫等復擾湘州參軍馮素與流民汝班蹇碩等不協言於刺史荀眺白流人皆欲反眺以為然欲盡誅流人班等懼死聚衆以應疇杜弢時在湘中衆共推為主耿委城走攻下郡邑

征南將軍山簡鎮夏口弢具陳其事簡等卒

王澄遣王機擊弼不克澄徙治孱陵
永嘉六年以周顛為荊州刺史王敦遣陶
侃尋陽太守甘卓共擊弼王敦殺王澄
顛始至州建平流民傳密等叛迎杜弼
弼遣別將王真襲沔陽顛狼狽失據王
敦誣王澄與弼通信縊殺之
建興元年周顛屯潯陽弼掠其人口陶侃
遣朱伺救之伺大破弼師於武昌拜侃荊
州刺史
陶侃兵敗於杜曾王敦表侃白衣領職侃

帥周訪等進擊杜弼大破之復侃官
建興三年杜弼移書應詹請降於瑯琊王
王許之

弼遺應詹書曰天步艱難始自吾州州
黨流移在於荆土其所遇值蔑之如遺
頓伏死亡者略復過半備嘗荼毒足下
所鑒也客主難久嫌隙易結不謂樂鄉
起變出於不意時與足下思散凝結求
擒其黨帥惟患筭不經遠力不陷堅耳
及在湘中懼死求生遂相結聚欲守善

自衛天下小定然後輸誠盟府尋山公鎮夏口即具陳之此公鑒關塞之會察窮通之變納吾於衆疑之中非高識之覩孰能若此西州人士得沐浴於清流豈惟滌蕩瑕穢乃骨肉之施此公薨逝斯事中廢賢愚痛毒竊心自悼欲遣滕永大張休豫諸大府備列起事以來本末但恐貪功徇名之徒將讒間於聖主之聽戮吾使於市朝以彰叛逆之罪故未敢遣之而甘陶卒至水陸十萬旌旂

擢於山澤舟艦侈於三川威則威矣然吾衆竊未以為懼晉文代原以全信為本故能使諸侯歸之陶侃宣赦書而繼之以進討豈所以崇奉明詔示軌憲於四海逼向義之夫以為叛逆之虜踰思善之衆以拯不赦之責非不戰而屈人之策也驅略烏合欲與為死者求一戰未見爭衡之微權也吾之赤心貫於神明西州人士卿粗悉之耳寧當今抱柱於時不證於大府耶昔虞鄉不營大國

之相與魏齊同其安危司馬遷明言於
李陵雖刑殘而無慨足下抗威千里聲
播岷衡進宜為國思靜難之略退與舊
交措枉直之正不亦綽然有餘裕乎望
卿騰吾牋令時達盟府遣大使之臨使
吾得披露肝膽沒身何恨哉伏相盟府
必結細於紀綱為一康於聖世使吾廁
列義徒負戈前驅迎皇輿於閭闔掃長
地於荒裔雖死之日猶生之年也若欲
掃清方夏却定中原吾得一年之糧使

沂流西歸夷李雄之逋寇修禹貢之舊
獻展微勞以補徃愆復州邦以謝鄰國
亦其志也惟所裁處耳吾遠州寒士與
足下出處殊倫誠不足感神交而濟其
傾危但顯吾忠誠則汶嶽存忠順之怒
衡湘無伐叛之虞惟足下宏納之望極
吾徒陷溺之艱焉可金玉其音哉然顯
顯十餘萬口亢勞瘁於警備思放逸於
南畝矣衡嶽江湘列吾左右若徃言有
貳血誠不亮益梁受殃不惟鄙言而已

蜀鑑 卷四
詹甚哀之乃啓呈弼書并上言曰弼益
州秀才素有清望文理既優幹事兼美
徃因使流寓居詹郡界其真心堅白詹
所委悉李驤為變樂鄉劫略良善弼時
出家財招募忠勇登壇歃血義誠慷慨
會驤攻燒南平弼遂東流巴漢與湘中
鄉人相遇推其素望遂相憑結論弼本
情非首作亂階者也然破湘州實弼之
罪亦由兵交其間遂使滋蔓按弼今書
血誠亦至矣昔朱鮪自於於洛陽光武

指河水以明心鮪感義歸誠終展力報
施受封侯之寵尚恕過錄功也詹竊謂
今者當厄運之會思弘遠猶故齊赦射
鉤之誅晉貫斬祛之戮用能濟翼戴之
高勲隆一康之美譽况弼等素無斯愆
而啓顙投命邪以為可遣大使宣揚聖
旨雲澤沾之於上百姓沐浴於下則上
下交泰江左無風塵之虞矣。通鑑不
載弼與應詹書本末今具錄如右蜀土
流移十萬餘家離散不保此大事也豈

宜略邪按此乃陶侃上憚王敦規模不
大不能招納弼等欲討殺以論功耳晉
史以成敗論人乃謂弼等請降於元帝
帝不許觀弼與詹書則先未嘗請降而
不許也又謂弼偽降於山簡皆非其實
讀史者以意逆志可也

以弼為巴東監軍使前南海太守王運受
其降諸將攻弼下已弼遂殺運遣其將王
貢入武陵五谿斷官軍運道
弼既受命諸將徇功者攻之不已弼下

勝憤怒殺運復反○武陵今常德府路
通五谿蠻

陶侃應詹進攻杜弼弼將王貢出降弼遁
走不知所在

侃等諸軍齊進弼乃逃遁不知所在城
中金寶淹目應詹一無所取惟取圖書
莫不難之○晉史應詹傳稱賊中金寶
溢目應詹但取圖書豈有賊而載圖書
者乎此皆梁益流徒之衣冠也悲夫
論曰蜀之流民十餘萬家流徙東下劉

和季在江陵給其田疇山季倫在夏口
佞其歸附庶乎招懷之略矣四方蹙蹙
江左獨安瑯琊君臣念流離之及境隨
才授任援之甲兵反其鋒而用之李雄
僭號而魚復江關曾莫之守固可長驅
而復舊物合二長以圖中原也王處仲
剛愎猜忍不忠王室陶士行亦不知此
乃以討杜弼為莫大之功振旅紀勲由
此專任上流則亦陋矣哉愚觀士行與
溫太真共討蘇峻獨以不與顧命為歉

且恃其區區之糧時欲貳其勤王之誠
心事之不純抑亦可知是雖神機明鑒
克荆小物功列之在晉者如彼其卑也
烏得為忠順如孔明者乎然巴氏至蜀
者二萬人耳而蜀土衣冠不務緝安糾
鄉閭為討僭逆守墳墓之計乃輕脆易
驚率然東下墮踣異鄉陷於誅死之罪
杜弼之事其亦蜀土之永鑒歟

元溫討李勢

晉穆帝永和二年十一月荊州刺史元溫

伐蜀拜表遂行

溫將伐蜀將佐皆以為不可袁喬勸之曰李勢無道以民不附且恃其險遠不脩戰備宜以精卒萬人輕齎疾趨比其覺之我已出其險要可一戰擒也蜀地富饒戶口繁庶諸葛武侯用之抗衡中夏若得而有之國家之大利也溫從之十一月辛未溫帥益州刺史周撫南郡太守譙王無忌伐蜀拜即行

溫軍沂魚復

諸葛亮造八陣圖於魚復平沙之上壘石為八行行相去二丈溫見之謂此常

山蛇勢也。魚復今夔州奉節縣

永和三年三月溫軍至青衣漢主勢遣李福李權向彭模皆堅引兵向捷為

福等自山陽趣合水諸將欲設伏於江南以待晉兵皆堅不從引兵自江北鴛鴦碕度尚捷為。青衣今嘉州山陽在席都合水今嘉定府龍游縣鴛鴦碕華陽國志寰宇記並載在今叙州南溪縣

晉書 卷四十三
皆堅畏溫故迂路怯懦引兵自鴛鴦碛
向犍為也犍為今縣

溫至彭模皆堅至犍為還自沙頭濟衆潰
溫至彭模議欲分為兩軍異道俱進以
分漢兵之勢袁喬曰今懸軍深入若分
兩軍萬一偏敗大事去矣不如全軍而
進齋三日糧示無還心勝可必也乃自
將步卒直指成都李福進攻彭模孫盛
等奮擊走之溫進遇李權三戰三捷皆
堅至犍為乃知與溫異道還自沙頭津

後此至溫已軍成都之十里陌堅衆自
潰。沙頭在今崇慶府新津縣彭模今
眉州彭山縣

溫長驅至成都李勢降

勢悉衆出戰於笮橋袁喬督士卒戰大
破之勢輿襯出降。舊史稱李勢夜遁
九十里至晉壽葭萌城夜出降通鑑亦
言走至葭萌此俱誤也成都去葭萌何
但九十里勢降表言即日到白水城姑
少避溫降耳豈肯走至葭萌白水者晉

史大抵舛誤無法司馬公辨之亦時有
不精耳

四月溫振還江陵

溫留成都三十日李勢降表以三月十
七日降溫也。李特以惠帝元康八年
八蜀特子雄雄傳姪班子期殺班李驤
子壽殺期壽傳子勢六世至永和三年
滅凡五十年

論曰李雄之據蜀也北不得漢中而瞿
唐灑預又無一夫之守一門悉開洞見

堂奧元溫之沂魚復也徘徊以觀八陣
之圖如入無人之境而遂制蜀之死命
矣嗚呼然後知陶士行坐鎮荊州四十
一年曾不加一矢於僭偽貞不忠於晉
室也哉

李壽縱獠於蜀

蜀
晉康帝建元元年蜀李壽從牂柯引獠入

李雄時嘗遣李壽攻朱提遂有南中之
地壽既篡位以郊甸未實都邑空虛乃

徒傍郡戶三萬已上以實成都又從牂
柯引獠入蜀境自象山以北盡為獠居
蜀本無獠至是始出巴西渠州廣漢陽
安資中犍為梓潼布在山谷十餘萬落
時蜀人東下者十餘萬家獠遂挾山傍
谷與夏人參居參居者頗輸租賦在深
山者不為編戶種類滋蔓保據巖壑依
林履險若履平地性又無知殆同禽獸
諸夷之中難以道義招懷也。北史不
載李壽縱獠而言獠自出未知首禍之

因賴李膺益州記詳著其始惜司馬公
之不及此也象山未知何地
論曰蜀之衣冠流徙荆湘而名郡樂郊
皆為獠居矣至唐末而患猶未已也文
物之不逮於兩京幾數百年職此之由
自蜀通中國以來得禍未有如是之酷
且久也可不鑒哉

蜀鑑卷第五

江左不用蜀

晉咸康元年詔建威將軍司馬勳將兵安集漢中漢王壽擊敗之壽遂置漢中守宰戍南鄭而還

永和三年荊州刺史元溫伐蜀取之蜀故將鄧定隗文等返入據成都征虜將軍楊謙棄涪城退保德陽

涪城今綿州德陽今遂寧府

振威將軍蕭敬文殺楊謙于涪城遂取巴

西通于漢中

永和四年益州刺史周撫擊范賁斬之益州平

賁范長生之子隗文等立為帝

梁州刺史司馬勲出駱谷破趙長城戍壁于懸鉤

趙主石虎死國亂雍州豪傑遣使告晉司馬勲帥眾赴之勲出駱谷破趙長城戍壁于懸鉤去長安二百里使治中國煥攻長安斬京兆太守劉秀離又拔賀

城三輔豪傑多殺守令以應勲凡三十餘壁眾五萬人。水經注渭水之東駱谷之水出其南山洛谷水北流逕長城西

司馬勲釋懸鉤拔宛城殺趙南陽太守袁景復還梁州

宛城南陽縣

永和十年元溫大舉伐秦遣司馬勲出子午道

溫統步騎四万發江陵水軍自襄陽入

均口至南鄉步兵自浙川趣武關。子午道從杜陵徑漢中均口南鄉浙川皆在今鄧州武關今商川春秋左傳哀公四年少習即武關也

司馬勲掠秦西鄙

元溫別將進擊青泥城破之涼秦州史史王擢攻陳倉以應溫秦主健遣太子萇等帥衆五萬軍于峽柳以拒溫夏四月己亥溫與秦兵戰于藍田大敗之元冲又敗秦丞相雄于白鹿原溫至灊上

秦太子萇退屯河南秦主健與老弱六千固守長安小城悉發精兵與萇合兵以拒溫三輔郡縣皆來降耆老有垂泣者曰不圖今日復見官軍。泥水水經注北歷峽柳城魏置青泥軍於城內故謂之青泥城即峽柳關亦名藍田關白鹿原三秦記云周平王東遷之後有白鹿遊此因得名並在京兆府藍田縣秦丞相雄帥騎七千襲司馬勲于子午谷破之勲退屯女媧堡

女媧堡寰宇記云藍田山有女媧氏火
或云今金州有女媧山非也

秦丞相雄擊司馬勲於陳倉勲奔漢中
王猛謂元溫曰公不遠數千里深入敵
境長安咫尺而不度灊水百姓未知所
以不至溫兵不利溫指秦麥以為糧既
而秦人芟麥清野以待之溫軍乏食六
月徙關中三千餘戶而歸司馬勲自陳
倉奔漢中涼秦州刺史王擢亦奔略陽
○灊水出京兆府萬年縣灊城秦繆公

所築

哀帝興寧三年益州刺史周撫卒以其子
犍為太守楚代之

撫在益州三十餘年甚有威惠

梁州刺史司馬勲舉兵反圍周楚于成都
大司馬溫遣朱序救之

勲常有據蜀之志憚周撫不敢發及撫
卒遂舉兵反引兵入劍閣圍周楚于成
都

海西公太和元年荊州刺史元豁遣元羆

攻南鄭討司馬勲朱序周楚擊司馬勲獲之大司馬溫斬勲傳首建康

簡文帝咸安元年益州刺史周楚卒以益州刺史周仲孫為益州刺史

大司馬溫以梁益多寇周氏世有威名乃以周仲孫代楚守蜀

孝武帝寧康元年秋七月大司馬溫薨

論曰晉室南渡中原非復晉有猶曰五胡崛起力未易支也若夫吳蜀唇齒之邦孫劉連衡用之以抗曹魏矣元溫之

取蜀也擇忠信之長嚴毅之帥藩聚其生齒教誨其人民招集其流離驅遠其蠱賊庶幾積年之汙俗咸與惟新然後命一將以出秦川而自將以向宛洛孔明之志庶幾少伸矣哉軍至灞上徒出而歸司馬勲犄角之師曾何足仗西土之憂未艾也溫死而符堅得蜀矣堅疑之難信乎

符堅取蜀

晉寧康元年秦王堅使王統朱彤帥卒二

萬出漢川毛當徐成帥卒三萬出劍門入寇梁益

梁州刺史楊亮帥巴獠萬餘拒之戰於青谷亮兵敗奔西城彤遂拔漢中餘成攻劍門克之

青谷未詳西城今金州劍門今隆慶府秦梁州刺史楊安進攻梓潼太守周虓守涪城母為朱彤所獲虓遂降於安安克梓潼

荆州刺史元豁遣江夏相竺瑶救梁益瑶

聞廣漢太守趙長死引兵退益州刺史周仲孫勒兵至綿竹帥騎五千奔于南中

秦遂取梁益二州邛笮夜郎皆附於秦仲孫坐失守免官

秦符堅以楊安為益州牧鎮成都毛當為梁州刺史鎮漢中姚萇為寧州刺史屯墊江王統為南秦州刺史鎮仇池

墊江今合州仇池今成州

元冲以毛虎生為益州刺史領建平太守以虎生子球為梓潼太守虎生與球伐秦

至巴西以糧乏退屯巴東

建平今歸州巴西治今閬州巴東治今

夔州

寧康二年蜀人張育楊光起兵擊秦遣使來請兵秦王堅遣鄧羗討之

益州刺史竺瑤威遠將軍元石虔帥眾三萬攻墊江姚萇兵敗退屯五城瑤石虔屯

巴東

五城今潼川府中江縣晉屬廣漢郡縣有五城山故名臧宮破延岑亦於此地

張育與巴獠酋帥張重尹萬等五萬餘人進圍成都秦楊安鄧羗龍褒育敗之八月鄧羗敗晉兵于涪西楊安敗張重尹萬于城都南重死斬首二萬三千級鄧羗擊張育楊光于綿竹皆斬之

益州復入于秦○符堅雖得蜀而夔路未嘗失所以晉不久復得之也

晉孝武太元三年秦梁州刺史韋鍾圍魏興太守苦挹於西城

秦既得蜀遣長樂公丕等攻襄陽明年

拔之常鍾遂圍西城。魏興在今金州治西城縣。

太元四年右將軍毛虎生帥眾三萬擊巴中以救魏興秦將張紹等敗之虎生退屯巴東韋鍾拔魏興吉挹死之。

寰宇記吉挹為梁州督為符堅所攻於縣南九里峻山築城攻圍不下名吉挹城巴中今夔路巴東今夔州。

太元六年秦王堅以裴元略為巴西梓潼二郡太守使密具舟師。

穆帝永和三年於梓潼郡僞置巴西治今綿州符堅因之。

太元八年十一月符堅入寇大敗于淝水。晉復取蜀。

太元八年夏五月元冲帥眾十萬伐秦遣輔國將軍楊亮攻蜀拔五城進攻涪城秦遣張蚝姚萇救涪城張蚝出斜谷亮引兵還。

元冲數伐秦蜀無功而還但拔蜀兩邑。五城今潼川府中江縣涪城今綿州。

太元九年梁州刺史楊亮帥眾五万伐蜀遣巴西太守費統等將水陸兵三萬為前鋒亮屯巴郡秦遣王廣康回拒之

巴郡治今重慶府巴縣

姚萇擊秦王堅秦益州刺史王虬帥蜀漢之眾三萬北救長安

秦梁州刺史潘猛棄漢中奔長安

太元十年秦益州刺史王廣以李丕為益州刺史守成都廣帥所部奔還隴西蜀人隨之者三万餘人

丕蜀人為江陽太守。秦政方亂而蜀人之歸秦者三萬人以夷徭亂其城邑而晋不暇謀也

蜀郡太守任權攻拔成都斬秦刺史李丕復取益州

以廣州刺史羅友為益州刺史鎮成都

劉裕討譙縱

晋安帝元興二年相立僭位益州刺史毛璩傳檄遠近討之進屯白帝

立僭位遣使加璩散騎常侍璩執留立

使不受其命玄以栢希戍三巴以備之
璩傳檄遠近列玄罪狀遣巴東太守羅
述征虜司馬甄季之擊破希等仍率衆
次於白帝。白帝今夔州

毛脩之及馮遷斬玄於江陵
玄以乘輿幸江陵將之漢中屯駙校尉
毛脩之璩之弟子也誘玄入蜀遂與毛
裕之費恬擊玄益州督護漢嘉人馮遷
抽刀斬玄乘輿反正於江陵
栢振復陷江陵

毛璩遣將攻漢中斬栢希

義熙元年毛璩帥衆三萬順流東下討栢
振璩遣其弟瑾出外水參軍譙縱及殺毛
瑾於涪城璩還成都為縱等所殺

毛璩遣其弟瑾瑗出外水參軍譙縱侯
暉出涪水蜀人不樂遠征暉至五城水
口謀作亂縱為人和謹蜀人愛之共逼
縱為主縱不可走投于水引出以兵逼
縱登輿縱又投地固辭暉縛縱於輿龍衣
毛瑾於涪城殺之璩至略城聞變奔還

成都益州營戶李騰開城納縱兵殺瑒及弟瑗。○外水今大江也。庾仲雍云江州縣對二水口，右則涪內水，左則蜀外水，內外水之所以名也。江州縣即今重慶府涪水。水經云：出廣漢涪縣，至水廣漢南入于墊江。所謂內水也。涪今綿州墊江，今合州內水之原委也。五城水口在郫縣，今中江縣水也。中江縣自有一水入于涪，即後漢志云廣漢郡有沈水，臧宮嘗破延岑于此。水注水經云：江水

又東絕綿洛，逕五城界，至廣都北岸，南入于江，謂之五城水口。此甚誤。江水未嘗絕綿洛，又逕五城而至廣都，涪水亦未嘗逕五城與綿洛，初無相干。廣都又在五城之上，非下流也。舛誤甚矣。大抵蜀自後漢以來，由廣漢而下，涪水多逕五城，亦爭戰之地。今中江縣也。義熙二年，益州刺史司馬榮期擊譙明子于白帝，破之。

譙縱以弟洪為益州刺史，明子為巴州

刺史屯白帝

劉裕遣龍驤將軍毛脩之將兵與司馬榮期等討之脩之至巖渠榮期為參軍楊承祖所殺脩之退還白帝

巖渠宋於墊江置東巖渠郡今合州

義熙三年毛脩之與漢嘉太守馮遷擊楊承祖斬之

馮遷漢嘉人手刃栢玄者為鄉郡太子劉裕表襄城太守劉敬宣伐蜀以劉道規為征蜀都督

義熙四年劉敬宣與諸將至黃虎譙縱遣譙道福拒之敬宣引軍還

劉敬宣既入峽遣巴東太守溫祚以二千人出外水自帥益州刺史鮑陋及將軍文處茂時延祖等由墊江轉戰而前譙縱求救於秦王秦王興遣姚弋王敏將兵二萬赴之敬宣軍至黃虎去成都五百里縱遣譙道福悉眾拒險相持六十餘日敬宣不得進食盡軍中疾疫死者大半乃引軍還。黃虎在今潼川府

通泉縣寰宇記云有黃許川

義熙六年譙縱遣昝謙譙道福寇荊州荆

州刺史劉道規大破之于枝江

謙等大陳舟師兼以步騎戰於枝江檀

道濟先進陷陳謙等大敗道規追斬謙

○枝江今江陵府枝江縣

譙道福陷巴東

益州刺史鮑陋卒道福陷巴東殺守將

溫祚時延祖○巴東今夔州

義熙八年太尉劉裕以朱齡石為益州刺

史帥臧熹劉鍾等伐蜀

義熙九年六月朱齡石從外水入成都臧

熹從中水入廣漢

裕與齡石密謀進取曰劉敬宣往年出

黃虎無功而退賊謂我今應從外水往

而料我當出其不意猶從內水來也如

此必以重兵守涪城以備內道若向黃

虎正墮其計今以大眾自外水取成都

疑兵出內水此制敵之奇也裕慮此聲

先馳賊知虛實別有函書封付齡石曰

至白帝乃開朱齡石等至白帝發函書曰衆軍悉從外水取成都臧熹從中水取廣漢老弱乘高艦十餘從內水向黃虎於是諸軍涪道兼行。外水都江水自江陽南安平模入城都內水涪水自墊江德陽黃虎上涪中水發源為綿洛前三水自江陽沂流上富義資中牛鞞上廣漢

論曰劉裕之發函書即岑彭自墊江還江州沂都江上武陽之故智也

譙道福鎮涪城

以備內水

譙縱遣侯暉譙詵帥衆萬餘屯平模朱齡石帥諸軍攻克之

齡石至平模去成都二百里侯暉譙詵夾岸築城以拒朱齡石以天時盛熱欲養銳息兵劉鍾曰不然賊阻兵守險者懼不敢戰也盡銳攻之其勢必克若兵相守彼知人虛實譙道福以涪軍來我求戰不獲軍食無資二萬餘人悉為

蜀虜矣齡石從之諸將以水北城地險
兵多欲先攻其南城齡石曰今屠南城
不足以破北若盡銳以拔北城則南城
不麾自潰矣秋七月攻北城克之斬侯
暉譙詵○平模今彭山縣

譙撫之屯牛鞞譙小苟塞打鼻臧熹擊撫
之斬之小苟聞之亦潰

牛鞞今簡州陽安縣此中水所經由也
打鼻寰宇記彭山縣有鼎鼻山亦名打
鼻譙小苟所據也

譙縱棄成都朱齡石入成都縱自殺獲譙
道福于獠中斬之

蜀鑑卷第五

皇鑑

卷五

五

皇鑑

